



OPĆINSKI NAČELNIK

Broj: 01-19-878-12/24

Ustikolina: 05.07.2024. godine

Na osnovu člana 70. stav 1. Zakona o javnim nabavkama („Službeni glasnik BiH”, broj: 39/14, 59/22) i člana 101. a u skladu sa članom 37. Statuta Općine Foča („Službene novine BPK-a Gorazde“ broj: 8/08, 11/08, 16/13 i 7/20), a na osnovu preporuke Komisije za javne nabavke broj: 01-19-878-11/24 od 04.07.2024. godine, u postupku javne nabavke radova „Sanacija lokalnih puteva u MZ Ustikolina i MZ Cvilin”, Načelnik Općine Foča **donosi:**

ODLUKU

o poništenju postupka javne nabavke

Član 1.

Poništava se postupak javne nabavke radova Sanacija lokalnih puteva u MZ Cvilin i MZ Ustikolina, iz razloga što je cijena prihvatljive ponude znatno veća od osiguranih sredstava za predmetnu nabavku, a sve u skladu sa članom 69. stav 2. tačka e) Zakona o javnim nabavkama BiH („Službeni glasnik BiH” broj: 39/14 i 59/22).

Član 2.

Ova odluka objavit će se na web-stranici Općine Foča istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-19-878-1/23 od 10.06.2024. godine.

Javna nabavka je provedena putem konkurentskog zahtjeva.

Procijenjena vrijednost javne nabavke bez PDV-a je 25.832,08 KM.

Obavijest o nabavci broj: 1359-7-3-85-3-11/24 poslata je na objavu dana 12.06.2024. godine i istog dana je objavljena na Portalu javnih nabavki, istovremeno je objavljena i tenderska dokumentacija u sistemu e-nabavke. Sažetak obavještenja o nabavci objavljen je u Službenom glasniku BiH broj: 41/24 od 14.06.2024. godine.

Komisija za javnu nabavku imenovana je Rješenjem broj: 01-11-1467/22 od dana 22.11.2022. godine. Komisija za javnu nabavku dostavila je dana 04.07.2024. godine Općinskom načelniku

Zapisnik o pregledu i ocjeni ponuda broj: 01-19-878-8/24 od 04.07.2024. godine, Izvještaj o radu broj: 01-19-878-10/24 od 04.07.2024. godine i Preporuku o poništenju postupka javne nabavke broj: 01-19-878-11/23 od 04.07.2024. godine u postupku javne nabavke radova Sanacija lokalnih puteva u MZ Cvilin i MZ Ustikolina.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (slovima: jedna),
- da je blagovremeno zaprimljena 1 (slovima: jedna) ponuda,

- da nije bilo neblagovremeno zaprimljenih ponuda,
- da je ponuda ponuđača „Goraždeputevi“ d.o.o. Goražde ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Komisija je dana 02.07.2024. godine uputio ponuđaču „Goraždeputevi“ d.o.o. Goražde zahtjev za prihvatanje ispravke računarske greške u Obrazcu za cijenu ponude (Aneks 3) gdje je ponuđač iskazao ukupnu cijenu ponude u iznosu od 25.470,00 KM bez PDV-a. Komisija je nakon izvršene računarske kontrole utvrdila da na strani 5 ponude (Aneks 3) postoji računarska greška i da ukupna cijena ponude bez PDV-a sa ponudnim popustom treba da iznosi 26.670,00 KM bez PDV-a, a ne 25.470,00 KM bez PDV-a kako je to navedeno u ponudi na strani 6 ponude (Aneks 3). Ponuđač „Goraždeputevi“ d.o.o. Goražde dostavio je dopis broj: 102/24 od 03.07.2024. godine u kojem je izjavio da je saglasan i da prihvata ispravku računarske greške.

Obzirom da je procijenjena vrijednost nabavke utvrđena Tenderskom dokumentacijom i kroz Obavještenje o nabavci u iznosu od 25.832,08 KM bez uračunatog PDV-a, Komisija za javne nabavke je utvrdila sljedeće:

Ponuda ponuđača:

- "Goraždeputevi" d.o.o. Goražde,

je u skladu sa članom 2. stav 1) Zakona o javnim nabavkama BiH kao i tačkom 9.1.6. TD neprihvatljiva, jer ponuđena cijena prelazi planirana, odnosno osigurana novčana sredstva ugovornog organa za nabavku.

Cijena ponude ponuđača „Goraždeputevi“ d.o.o. Goražde u iznosu od 26.670,00 KM bez uračunatog PDV-a, prelazi budžetom planirana sredstva za realizaciju predmetne javne nabavke (planirana sredstva za realizaciju iznose 25.832,08 KM bez uračunatog PDV-a).

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 69. stav (2) tačka e) Zakona o javnim nabavkama donese Odluku o poništenju postupka javne nabavke radova „Sanacija lokalnih puteva u MZ Cvilin i MZ Ustikolina“, jer iznos cijene jedine prihvatljive ponuda znatno je veći od osiguranih sredstava za predmetnu nabavku. U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razlog, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je Odluka o poništenju postupka javne nabavke donesena jednoglasno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 69. stav (2) tačka e) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog organa u pisanoj formi u najmanje tri primjerka, u roku od 5 (pet) dana od dana prijema ove odluke.

DOSTAVLJENO:

1. „Goraždeputevi“ d.o.o. Goražde
2. Evidenciji
3. a/a

